



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Londoniensi Et Roffensi Episcopis, & Decano Lincolnensi.

**urn:nbn:de:hbz:466:1-20020**

locum suæ redēptionis tanta videns calāitate contritum, toto sibi non compatiatur affectu? Cujus inquam saxo vīscera duriora miseratione tanta miseria non frangantur? Quis in tanta contumeliam crucifixi tanto zelo debeat non succendi ut ad ejus injuriā repellendam ibi se pretiosā morti, si oporteat, non evitēt exponere ubi dignatus est ille pro ipso crucem ignominiam subire; quandoquidem loca Christi nativitatē sanctificata pollui conspicit spūciū paganorum, & ante oculos quasi Iesu pendentis in cruce blasphemantes perfidos insultare, *Si filius Dei es, nunc de cruce descendas, & salva teipsum*, quem in tuis iterum crucifigimus & in tuo, viciniā dominici diverforij minimè reverentes, nec trepidantes ne suis injuriis lacefūtis de vicino præsepio infans vagiat, ac de putridis immunditis eorundem propè sedens puerpera virgo pudescat. Hujus itaque nos doloris immensitate percussi, hujus indignitate prægrandis injuria provocati, multifariè multisque modis, diligenter quidem quamquam non efficaciter, hacten ad liberationem sanctæ Christi hereditatis intendimus, & quantum nobis altissimum ministraverit intendere non cessantes, cùm ex apostolica provisionis officio nobis ad præsens incumbat Legatum in regnum Franciæ de nostro latere destinare, inter cetera quæ suo ministerio sunt gerenda, negotium crucis specialiter ei commisimus promovendum. Cùm igitur idem regnum inter alia regna mundi fuerit semper & sit nobis & apostolicae sedi devotum ac speciali prærogativa dilectum, ut affectum sincere dilectionis quem gerimus circa ipsum in persona Legati evidenter monstraremus, tales de consilio fratrum nostrorum illuc duximus delegandum quem inter ceteros fratres nostros speciali caritate diligimus & familiari benevolentia suis exigentibus meritis amplexamur, dilectum videlicet filium nostrum Gualam sanctæ Mariae in Porticu Diaconum Cardinalem, virum utique vita, fama, scientiaque præclarum, concessa sibi plenaria potestate ut evellet & destruat, ædificet & plantet quæ in Ecclesia Dei evelienda & destruenda, ædifica cognoverit & plantanda. Proinde universitatem vestram monemus attente & exhortamur in Domino per apostolica scripta præcipiendo mandantes quatenus præfatum Cardinalem tamquam Legatum apostolicae sedis & magnum in Ecclesia Dei locum habentem, immo personam

nostram in eo recipientes humiliter & devotè, ipsiusque salutaribus monitis & præceptis tam super orientalis Ecclesiæ subventione quam super aliis quæ vice nostra duxerit disponenda pronis mentibus intendentis, mandata pariter & statuta ipsius tamquam devotionis filij recipiatis firmiter & servetis; de cuius nimurum circumspetione provida & providentia circumspecta indubitanter fiduciam obtinemus quoniam dirigente Domino gressus ejus, ita regia via curabit incedere quod, sicut ei viva voce dedimus in mandatis, non declinabat ad dexteram vel sinistram. Ipsi proinde universi & singuli reverentiam debitam & devotiam obedientiam impendere satagatis; ne si, quod absit, à quoquam effet aliter attentatum, præter ipsius Cardinalis offensam, cuius sententiam, si quam in contumaces aut rebelles exigentibus meritis duceret promulgandam, faceremus usque ad condignam satisfactionem inviolabiliter observari, nostram quoque indignationem incurreret, qui secundum Apostolum omnem inobedientiam parati sumus ulcisci. Datum Anagniæ iv. Kal. Iunij, anno undecimo.

*GVALÆ SANCTÆ MARIE IN  
Porticu Diacono Cardinali, apostolice  
sedis Legato.*

**P** Lenam gerentes de tua discretione fiduciam, causam quæ vertitur inter carissimum in Christo filium nostrum Philippum Regem & carissimam in Christo filiam nostram Ingeburgam Reginam Francorum illustres super maleficio quo idem Rex afferitur impeditus, tuæ duximus experientia committendam, per apostolica tibi scripta mandantes quatenus provisa eidem Reginæ plenaria libertate, causam ipsam appellatione remota diligenter examines, & si de partium processerit voluntate, canonico fine decidas; alioquin ipsam sufficienter instructam ad nostrum remittas examen, præfigens partibus terminum competentem quo receptura sententiam per idoneos responsales nostro se conspectui repræsentent. Datum ut in alia.

*LONDONIENSI ET ROFFENSI  
Episcopis, & Decano Lincolniensi.*

**I**ntra ceteras angustias & pressuras quibus peccatis exigentibus Ecclesia subjacet Anglicana, gravem venerabilis fratris nostri Eboracensis Archiepiscopi nuper accepimus questionem, quod cum

*Epi. 86.  
Committe  
ei causa divor-  
tij Philippi  
Regis.*

*Epi. 87.  
De interdicto  
provinciæ Ebo-  
racensis fer-  
vando.*

## 176 Epistolarum Innocentij III.

carissimus in Christo filius noster Iohannes Rex Anglorum illultris ab Ecclesiis & eleemosynis Eboracensis provinciae tertiam decimam disposuisset recipere, idem Archiepiscopus hoc præsentiens, pro tuenda ecclesiastica libertate sedem apostolicam appellavit, se ac sua & universos ejusdem provinciae clericos sedis apostolice protectioni supponens. Verum Rex ipse a proposito quod præconceperat non recedens, non solum de dominio ipsius & ab ipso tenentibus, sed etiam à religiosis & plerisque clericis Eboracensis provinciae tertiam decimam suorum proventuum contra ecclesiasticam libertatem recepit. Ad hæc, cùm idem Archiepiscopus, hujusmodi mala ferre non prævalens, de Anglicanis partibus recessisset ad nostram præsentiam accessurus, idem Rex ipsum ac suos temporalibus mobilibus & immobilebus spoliavit, ac jurisdictionem ejusdem circa spiritualia multipliciter juxta suæ beneplacitum voluntatis impediens, confessiones ejus & nemora in grave præjudicium Eboracensis Ecclesia fecit distrahi, in pluribus alii sibi & suis injuriosus existens admodum & molestus. Quia igitur tantam Dei & Ecclesiæ suæ injuriam, non tantum propter dispendium temporaliū quantum propter periculum animarum, nequaquam nos convenit conniventibus oculis pertransire, licet super hoc venerabilibus fratribus nostris Eliensi, Wigornensi, & Herefordensi Episcopis apostolicas litteras duxerimus destinandas, nihilominus tamen vobis præcipiendo mandamus quatenus omni mundano timore postposito dictum Regem monere attenius & inducere quantocius studeatis ut suæ salutis consulens & honori, tam ipsi Archiepiscopo quam Ecclesiis & aliis ad eum spectantibus infra trium mensium spatiū postquam fuerit à vobis communitus ablata restituit universa, & de dannis & injuriis satisfaciat competenter. Alioquin, cùm Deo magis oporteat nos deferre quam homini, præfatum Regem ad hoc per interdictum totius Eboracensis provinciae sublatu cuiuslibet contradictio-  
nis & appellationis obstaculo compellatis, non permittentibus in ipsa aliquod divinum officium præter parvulorum baptisma & pœnitentias morientium celebrari, & facientes illud usque ad satisfactionem dignam auctoritate nostra inviolabilitatem observari. Si vero Rex ipse contra eundem Archiepiscopum aliqua duxerit proponenda, restitutione plenaria prius facta,

audiatis hinc inde proposita; & si mota quæstio ecclesiasticum forum exposcat, eam diligenter examinare curetis, ac instrumentum plenius ad nostram præsentiam remittentes, præfigatis partibus terminum competentem quo per idoneos responsales nostro se conspectui repræsentent, per nos dante Domino iustitiam recepturæ. Verum si quæstio talis fuerit quod mere ad forum pertineat seculare, idem Archiepiscopus eam sub suo iudice tractari sustinet & decidi. Provideatis autem attenius & appellatione remota sub poena consimili districti inhibere curetis ut quādiu quæstio mota duraverit, nihil in ipsius Archiepiscopi & suorum præjudicium innovetur, sed redeundi in Angliam & morandi plenam & liberam habeant facultatem. Testes autem qui nominati fuerint, si se gratia, odio, vel timore subtraherint, per censuram ecclesiasticam appellatione remota cogatis veritati testimonium perhibere. Nullis litteris veritati & iustitia prædicantibus à sede apostolica impetratis. Quod si non omnes &c. duo vestrum &c. Datum Anagnia vi. Kal. Junij, anno undecimo.

*M A I O R I S E C C L E S I A E  
& sancti Geronis Decanis, & Preposito  
sanctorum Apostolorum Colonien.*

**P**ostquam Adulphus quondam Coloniensis Archiepiscopus in præsentia Legatorum nostrorum juravit nostris patre mandatis super iis pro quibus fuerat excommunicatione notatus, ad præsentiam nostram absolutus accessit, & gravem querelam exposuit coram nobis quod venerabiles fratres nostri Archiepiscopus Maguntinus & Cameracensis Episcopus ac dilectus filius magister Henricus scholasticus sancti Geronis iniquè processerant ad depositionem ipsius, tum quia mandati nostri fines exceperant, tum quia juris ordinem non servabant, adiciens eos sibi fuisse manifestè suspectos, & litteras quarum occasione processerant per expressiōnem falsitatis & veritatis suppressionem obtentas. Vnde petebat ut dignaremur eorum revocare processum ipsumque in eum statum reducere in quo fuerat antequam esset in eum hujusmodi sententia promulgata, offerens se præscripta omnia probaturum. Ipsi vero in nostra præsentia constituti processum suum multipliciter excusantes, asseruerunt hæc omnia penitus esse falsa. Venerabilis autem frater noster Bruno Coloniensis Archiepiscopus, contra

*Epiſt. 11.  
Commissione  
eis quædam  
causa Archi-  
piscopi Col-  
oniensis.  
Vide Raynal,  
ad ann. 1101.  
§. 11.*